

## გ ა ნ მ ა რ ტ ე ბ ი თ ი ბ ა რ ა თ ი

### „ფსიქიატრიული დახმარების შესახებ“ საქართველოს კანონში ცვლილების შეტანის თაობაზე

#### ა) ზოგადი ინფორმაცია კანონპროექტის შესახებ:

##### ა. ა) კანონპროექტის მიღების მიზეზი

წარმოდგენილი კანონპროექტის მომზადების მიზეზია „ფსიქიატრიული დახმარების შესახებ“ საქართველოს კანონში არსებული ჩანაწერი, რომლის მიხედვითაც სასამართლო ფსიქიატრიული სერვისების ყველა მიმწოდებელს, კერძოდ, კი სახელმწიფო სასამართლო-საექსპერტო დაწესებულებას, არ მოეთხოვება შესაბამისი ლიცენზია.

##### ა.ბ) კანონპროექტის მიზანი

კანონპროექტის მიზანია სამედიცინო საქმიანობის ხარისხზე კონტროლის მექანიზმების გამკაცრება და ყველა პაციენტისათვის თანაბარი ხარისხის სამედიცინო სერვისების მიწოდების უზრუნველყოფა – საერთო სალიცენზიო/სანებართვო პირობების შემუშავების გზით, მიუხედავად ამ დაწესებულებათა სამართლებრივი სტატუსისა.

##### ა.გ) კანონპროექტის ძირითადი არსი

კანონპროექტის თანახმად, ახალი რედაქციით ყალიბდება კანონის 24-ე მუხლის პირველი პუნქტი, რომლის მიხედვითაც „სასამართლო-ფსიქიატრიული ექსპერტიზის“ ჩატარების უფლება აქვს შესაბამისი საქმიანობის განმახორციელებელ პირს.“

#### ბ) კანონის პროექტის ფინანსური დასაბუთება:

##### ბ.ა) კანონის პროექტის მიღებასთან დაკავშირებით აუცილებელი ხარჯების დაფინანსების წყარო

კანონის პროექტის მიღება არ მოითხოვს ბიუჯეტიდან დამატებითი ხარჯების გამოყოფას.

ბ.ბ) კანონის პროექტის გავლენა ბიუჯეტის საშემოსავლო ნაწილზე

კანონის პროექტის მიღება გავლენას არ იქონიებს ბიუჯეტის საშემოსავლო ნაწილზე.

ბ.გ) კანონის პროექტის გავლენა ბიუჯეტის ხარჯვით ნაწილზე

ბ.დ) სახელმწიფოს ახალი ფინანსური ვალდებულება

კანონის პროექტის მიღება არ გამოიწვევს სახელმწიფოსათვის ახალი ფინანსური ვალდებულებების წარმოქმნას.

ბ.ე) კანონის პროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება

კანონპროექტი არ იაწვევს ფინანსურ შედეგებს იმ პირთათვის, რომლებზეც ვრცელდება მისი მოქმედება.

ბ.ვ) კანონის პროექტით დადგენილი გადასახადის, მოსაკრებელი ან სხვა სახის გადასახდელი ოდენობის განსაზღვრის წესი (პრინციპი)

კანონის პროექტი არ ითვალისწინებს გადასახადის, მოსაკრებელის ან სხვა სახის გადასახდელი ოდენობის განსაზღვრას და შესაბამისად არ ადგენს მის განსაზღვრის წესს.

გ) კანონის პროექტის მიმართება საერთაშორისო სამართლებრივ სტანდარტებთან

კანონპროექტი არ ეწინააღმდეგება საერთაშორისო სამართლებრივ სტანდარტებს.

გ.ა) კანონის პროექტის მიმართება ევროკავშირის დირექტივებთან

კანონის პროექტი არ ეწინააღმდეგება ევროკავშირის დირექტივებს.

გ.ბ) კანონის პროექტის მიმართება საქართველოს ორგანიზაციებში საქართველოს წევრობასთან დაკავშირებულ ვალდებულებებთან

კანონის პროექტის მიღება არ ეწინააღმდეგება საქართველოს მიერ საქართველოს ორგანიზაციებში წევრობასთან დაკავშირებით აღებულ ვალდებულებებს.

გ.გ) კანონის პროექტის მიმართება საქართველოს ორმხრივ და მრავალმხივ ხელშეკრულებებთან

კანონის პროექტის მიღება არ არღვევს და არ ეწინააღმდეგება საქართველოს მიერ დადებულ ორმხრივ და მრავალმხივი საქართველოს ორგანიზაციებთან ნაკისრ ვალდებულებებს.

დ) კანონის პროექტის მომზადების პროცესში მიღებული კონსულტაციები:

დ.ა) არასახელმწიფო ან/და საქართველოს ორგანიზაცია/ დაწესებულება, ექსპერტები, რომლებმაც მონაწილეობა მიიღეს კანონის პროექტის შემუშავებაში, ასეთის არსებობის შემთხვევაში კანონის პროექტი არ ყოფილა წარდგენილი ექსპერტებისათვის.

დ.ბ) კანონის პროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ

კანონპროექტი შეთანხმებულია დაინტერესებულ უწყებებთან

დ.გ) კანონის პროექტის ავტორი

კანონის პროექტის ავტორია საქართველოს შრომის, ჯანმრთელობისა და სოციალური დაცვის სამინისტრო.

დ.დ) კანონის პროექტის ინიციატორი

კანონის პროექტის ინიციატორია საქართველოს მთავრობა.